



ZBIRKA
TRGOVAČKIH
NAZIVA ROBA
SA
TARIFSKIM
OZNAKAMA

Sarajevo, 1999 god.

Izdaje "DES" - Sarajevo

Tehničko uređenje i kompjuterska priprema:
Džemal Hadžiarapović i Nurko Hodžić

Štampa:
DES - Sarajevo

Za štampariju:
Rasim Fočo

Rješenjem Federalnog ministarstva obrazovanja, nauke, kulture i sporta broj: 03-15-1905/99 od 27. 04. 1999. god. Zbirka trgovačkih naziva roba sa tarifskim oznakama je proizvod iz člana 19. tačka 13. Zakona o porezu na promet proizvoda i usluga na čiji se promet ne plaća porez na promet proizvoda.

Uvodna napomena:

Zbirka trgovačkih naziva roba sa tarifskim oznakama predstavlja kosisno pomagalo širokom spektru korisnika, sudionika u spoljnotrgovinskom prometu roba. Preko 25.000 pojmova prikupljeno je na jednom mjestu i uneseno po abecednom redu.

Tarifske oznake roba date su, u manjem broju, sa šest cifara prema Harmoniziranom sistemu, dok je veći broj tarifskih oznaka dat na nivou raščlanjenja od 10 cifara, što je potpuno usklađeno sa Carinskom tarifom koja je trenutno u primjeni na području BiH u oba Entiteta objavljenom u "Službenom glasniku BiH" broj 1/98.

Napominjemo da se određene vrste roba sa pripadajućim tarifskim oznakama mogu naći pod dva slovna indeksa što predstavlja znatno olakšanje u pretraživanju

Korištena su i obuhvaćena iskustva na svrstavanju roba u carinskoj administraciji Federacije BiH.

Mišljenja smo da će knjiga naći značajnu primjenu:

- u špediterskim kućama, kod radnika koji obavljaju poslove svrstavanja roba, i popune dokumenata za provođenje carinskog postupka JCI i sl.
- u poreskoj administraciji kod radnika koji vrše kontrolno-inspekcijske poslove i pregled komercijalno-finansijske dokumentacije uvoznika,
- u carinskoj administraciji kod radnika na prijemu dokumenata, poslovima revizije, carinjenja roba i drugim fazama carinskog postupka,
- kod drugih učesnika u spoljnotrgovinskom poslovanju, prilikom uvoznog ili izvoznog carinjenja roba.

Kao dodatno pomagalo, u knjizi su data Osnovna Pravila za svrstavanje roba po Harmoniziranom sistemu i Carinskoj tarifi sa dopunama iz februara 1998 godine.

Zbog ograničenog prostora i samog formata knjige, određeni broj trgovačkih naziva roba je skraćivan, u želji da se daje što potpunije naimenovanje ili trgovački naziv. Skraćivanja su vršena djelimično u tekstu bez potpune primjene odgovarajućih pravila, a osim toga korišten je jedan broj matematskih skraćenica.

Simbol	Značenje	Primjer
>	veće od.....	$d > 3,5 \text{ mm}$
<	manje od ...	$d < 3,5 \text{ mm}$
Ø ili Fi	prečnik	$5 < \text{Ø} < 10 \text{ mm}$ ili $5 < \text{Fi} < 10 \text{ mm}$
d	debljina	$d > 3,5 \text{ mm}$
Šir	širina	šir > 300 mm

Ovo ne bi trebalo u mnogome uticati na adekvatno korištenje i praktičnu upotrebljivost knjige.

Priručnik predstavlja pomagalo za sve one koji se u praksi susreću sa Carinskom tarifom i svrstavanjem roba, te je u svim nejasnim i spornim situacijama potrebno zatražiti stručno mišljenje i rješenje od nadležnog organa.

Uvozno orjentisane firme mogu, na bazi svrstavanja roba po Carinskoj tarifi, sveobuhvatno sagledati uslove pod kojima će se tretirati robe koje uvoze - sa aspekta carinskih i poreskih opterećenja a isto tako sa aspekta drugih važećih zakonskih propisa.

Vremenom i kako to budu praktične potrebe nalagale vršit će se revizija i dopunjavanje ove zbirke.

Zbirka roba sa tarifskim oznakama moći će se, od ovog Izdavača, uskoro nabaviti kao kompjuterska aplikacija za korištenje na PC računarima.

Svim korisnicima želimo ugodan rad i uspješno korištenje raspoloživih informacija.

Stručni tim

OSNOVNA PRAVILA ZA PRIMJENJIVANJE CARINSKE TARIFE

SVRSTAVANJE PROIZVODA U TARIFI VRŠI SE PREMA
SLIJEDEĆIM OSNOVNIM PRAVILIMA:

PRAVILO 1

NAZIVI ODJELJAKA, GLAVA I RAZDJELA DATI SU SAMO RADI LAKŠEG SNALAŽENJA PRI SVRSTAVANJU. PROIZVODI SE SVRSTAVAJU PREMA NAIMENOVANJIMA TARIFNIH BROJEVA, NAPOMENAMA UZ ODGOVARAJUĆE ODJELJKE I GLAVE, KAO I PREMA OVIM PRAVILIMA, AKO ONA NISU U SUPROTNOSTI SA SADRŽAJEM TARIFNIH BROJEVA I NAPOMENA UZ ODJELJKE I GLAVE.

KOMENTAR

- (I) Tarifa sadrži spisak roba koja je predmet međunarodne trgovine grupisane po određenom sistemu. Ona grupiše robu u odjeljke, glave, i razdjele koji imaju nazive koji označavaju, što je moguće sažetije, grupe ili vrste proizvoda koje obuhvataju. Međutim, u mnogim slučajevima, raznovrsnost i broj proizvoda koji se svrstavaju u neki od odjeljaka ili glava su takvi da ili je nemoguće sve obuhvatiti ili posebno navesti u nazivu.
- (II) Stoga, Pravilo 1, počinje objašnjenjem da su nazivi dati „samo radi lakšeg snalaženja“.

Prema tome, oni nemaju zakonski uticaj na svrstavanje.

(III) Drugi dio ovog pravila određuje da se svrstavanje vrši:

(a) prema naimenovanjima tarifnih brojeva i odgovarajućim napomenama, uz odjeljke i glave;

(b) gde je to potrebno, **prema odredbama ovih osnovnih pravila 2, 3, 4 i 5**, pod uslovom da sadržaj tarifnih brojeva, ili napomene drukčije ne određuju.

(IV) Odredba komentara (III) pod (a) je sama po sebi jasna i veliki broj proizvoda se može svrstati u Tarifi bez primjene Osnovnih pravila (npr.: konji živi (tar. broj 01.01), farmaceutska roba navedena u napomeni 3. uz glavu 30 (tar. broj 30.06).

(V) Odredba komentara (III) pod (b) koja glasi „pod uslovom da sadržaj tarifnih brojeva ili napomene drukčije ne određuju“ namjenjena je da razjasni da su naimenovanja tarifnih brojeva i odgovarajuće napomene uz odjeljke ili glave važnije, tj. da imaju prvenstvo prilikom svrstavanja. Na primjer, napomene u glavi 31 određuju, da neki tarifni brojevi obuhvataju samo određenu robu. Shodno tome, ti tarifni brojevi se ne mogu proširiti da uključuju robu, koja bi se inače mogla svrstati u njih primjenom Osnovnog pravila 2 pod 2).